

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui nomber, fam y number di telefon di e remitente.
AWEMainta ta keda cu e derecho reduci of edita esakinan pa publicacion.

Tweede Kamer na Hulanda considerando investigacion di FDA na Aruba a base di denuncia di e.o. Rainbow Warriors

Pa; Milton Ponson

RAINBOW Warriors International den e ultimo dos aña a manda numeroso carta pa Tweede Kamer pa denuncia irregularidad den supervision riba FDA riba proyectonan den e sector "Duurzame Economische Ontwikkeling" cu ta forma parti di e asina yama Meerjarenprogramma 2006-2009, cual porcierto t'e ULTIMO programa den cual Gobierno di Aruba ta haya placa di desaroyo (o mihor bisa asistencia financiero programatico) pa ehecuta proyectonan den e cuadro di trabaonan di FDA.

Rainbow Warriors International a manda denuncia tocante por lo menos 4 proyecto, siendo e notorioso proyecto di Bouldin and Lawson na dump, e proyecto pa mehora tres beach (Arashi, Mangel Halto y Baby Beach), NISP/Nos Aruba 2025, milieuvorlichting y monitor-

ing di calidad di awa y aire na Aruba. Awor cu situacion financiero ta hopi preta na Hulanda di repente Tweede Kamer tin mas interes pa investiga malgastamento di placa di pagador di belasting Hulandes na Aruba. Mester corda cu mitar di e placa di FDA ta bin for di Hulanda y ya NO mas ta duna placa sin mas, y sin controla despues con el a ser gasta.

Hasta pa prome biaha den historia Hulanda pa un solo biaha lo BAHA presupuesto pa Internationale Ontwikkelingshulp e aña aki a consecuencia di e crisis financiero su impactonan riba economia Hulandes, cu segun Centraal Plan Bureau na Hulanda p'e aña 2009 ta ser supera como aña di crisis aña 1931 p'e hecho cu e economia Hulandes na 2009 lo baha cu mas di 3.5%, esta krimp cu mas di 3.5%. A consecuencia di

e situacion financiero precario awor SI tin interes pa investiga derroche di placa Hulandes na Aruba. Rainbow Warriors International a haya notificacion di Tweede Kamer lo consider seriamente investiga algun proyecto financia dor di FDA y consecuentemente Gobierno di Hulanda.

P'e razon aki ta duda cu Aruba lo haya extension di ayudo financiero pa FDA despues di

2009, manera anuncia dor di Minister-presidente Nel Oduber, cual ultimo a menciona un extension di 18 luna p'e suma bunita di 70 milyon florin.

Ta parece cu e fiesta a yega su fin y cu lo bay investiga denuncia haci e.o. dor di Rainbow Warriors International, pero tambe dor di numeroso otro gremio, grupo, ciudadano y partido di oposicion na Aruba.

Ya caba Hulanda a dicidi pa

aplica articulo 43, inciso 2 (Waarborgfunctie) di Statuut pa garantisa cu e consensus-rijkswet Gemeenschappelijk Hof van Justitie lo pasa cu of sin aprobacion di Gobierno di Aruba. Pronto riba mas tereno Gobierno di Hulanda lo bay actua pa coregi situacion cu a sali for di man na Aruba.

Den e caso di FDA tanto cabes Arubiano como Hulandes lo por bay lora.